

Birgalikda ijtimoiy davlat sari!

№27

2024-yil
10-iyul, chorshanba

1918-yil
21-iyundan chiqa boshlagan



O'zbekiston Ovozi

Ijtimoiy-siyosiy gazeta

t.me/uzbekiston_ovozi_gazetasi | facebook.com/uzbekistonovozi | instagram.com/uzbekiston_ovozi | www.uzbovozi.uz | info@uzbovozi.uz



МУСТАҲКАМ

ҲАМКОРЛИКЛАР САРИ

Халқаро майдондаги геосиёсий вазият амалдаги дунё тартиботи устунлари дарз кетганини кўрсатмоқда. Бундай жараёнда жаҳон саҳнидаги ҳар бир актор янги ўрнатиладиган дунё тартиботида ўз ўрни ва мавқеига эга бўлиш учун кураш олиб бориши ҳаётининг масала. Шу оламнинг ажралмас ва тенг ҳуқуқли аъзоси – Ўзбекистон олиб бораётган ички ва ташқи сиёсат эзгу мақсадларга нақадар содиқ эканимизни кўрсатмоқда, бунга дунё гувоҳ бўлмоқда.



2

ҲОКИМ ВА КЕНГАШ РАИСИ

ВАКОЛАТЛАРИ АЖРАТИЛМОҚДА

Ҳоким номзоди кўриб чиқиладиганда у ҳудудни ривожлантириш дастурини халқ депутатлари Кенгашига тақдим этиши тартиби белгиланмоқда. Олий Мажлис Қонунчилик палатасининг кеча бўлиб ўтган ялпи мажлисида “Янги таҳрирдаги Ўзбекистон Республикаси Конституциясида маҳаллий давлат

ҳокимиятининг конституциявий асослари такомиллаштирилганлиги муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонуни лойиҳаси атрафлича муҳокама этилди.



ЎЛИМГА САБАБ БЎЛИШ

ЭҲТИЁТСИЗЛИК ЭМАС

✓ **Жиноят ва жазо**

“ВИЗА ТАЙЁРЛАБ БЕРАМАН...”

ЖАМИЯТИМИЗДА СОДДАФЕЪЛЛИК, ИШОНУВЧАНЛИК, ҚОЛАВЕРСА, ҚОНУН ТАЛАБЛАРИНИ БИЛМАСЛИК ОҚИБАТИДА ФИРИБГАРЛАР ДОМИГА ТУШИБ ҚОЛАЁТГАН ЖАБРДИЙДАЛАР СОНИ ОЗ ЭМАС. БУНДАЙ ДЕЙИШИМИЗГА АСОС БОР ЧУНКИ СЎНГИ ЙИЛЛАРДАГИ ТАҲЛИЛЛАР ФУҚАРОЛАРИМИЗ ЎРТАСИДА ФИРИБГАРЛИК БИЛАН БОҒЛИҚ ҲУҚУҚБУЗАРЛИКЛАР СЕЗИЛАРЛИ ДАРАЖАДА КЎПАЙГАНИНИ КЎРСАТМОҚДА.

6

✓ **Очиқ мулоқот**



ЭЛЕКТРОН РЕЦЕПТГА ЎТИШ АҲОЛИГА ҚАНДАЙ НАФ БЕРАДИ?

Пойтахтимизда 4 июль куни тиббиёт ва фармацевтика соҳасидаги бизнес вакиллари билан ўтказилган очиқ мулоқотда соғлиқни сақлаш вазири в.б. Асилбек Худаяров 2024 йил охиригача Тошкент шаҳрида дори воситаларига электрон рецептлар жорий этиш режаларини маълум қилди.

5

✓ **Электорат манфаати**

ИШЛИ БЎЛИШ

ҲАММАМИЗ УЧУН МУҲИМ

Салоҳияти ва лаёқатига яраша муқим иши, барқарор даромад манбаи бор одамнинг ҳаётга қарши бошқача бўлади. Унинг бугунидан, эртасидан кўнгли тўқ бўлади. Айниқса, оилапарвар, болапарвар халқимиз учун ишли бўлиш нафақат рўзгорни бутлаш, фаровон ҳаёт кечириш, балки фарзандларини оёққа қўйиш, улар келажаги учун сармоя киритиш омили ҳам ҳисобланади.

4

✓ **Халқаро ҳаёт**



БУЮК БРИТАНИЯДА ЛЕЙБОРИСТЛАР ҒАЛАБАСИ

Кутилмаганда шу йилнинг 22 май куни Консерватив ҳукумат раҳбари Риши Сунак парламент тарқатилишини эълон қилди. Оқибатда 4 июль куни Буюк Британияда муддатидан олдин парламент сайловлари бўлиб ўтиши белгиланди.

SIYOSAT

Ўзбекистон Президенти Халқаро меҳнат ташкилоти билан самарали ҳамкорликни юқори баҳолади

Ўзбекистон Республикаси Президенти Шавкат Мирзиёев 9 июль куни мамлакатимизда амалий ташриф билан бўлиб турган Халқаро меҳнат ташкилоти бош директори Жильбер Унгбони қабул қилди.

БМТнинг ушбу нуфузли институти билан ҳамкорликни янада кенгайтириш масалалари кўриб чиқилди.

ХМТ бош директори самимий қабул учун миннатдорлик билдириб, Ўзбекистоннинг меҳнаткашлар ҳуқуқларини таъминлаш, иш ўринларини яратиш ва халқаро конвенцияларни имплементация қилиш борасидаги ютуқларига юқори баҳо берди.

Шу муносабат билан ўз ташрифини Ўзбекистон раҳбари бошчилигида амалга оширилаётган самарали ишловларни қўллаб-қувватлаш ифодаси деб атади.

ХМТ мамлакатимиз тажрибасини халқаро миқёсда ўрганиш ва қўллаш учун муваффақиятли модель сифатида кўраётгани таъкидланди. Жорий йилнинг июнь ойида Ўзбекистон ташкилотнинг Маъмурий кенгашига сайланиши бунинг эътирофи бўлди. Сўнгги йилларда Ўзбекистон ва



ХМТ ўртасидаги ҳамкорлик сифат жиҳатидан янги босқичга кўтарилди. Ташкилот кўмагида Ўзбекистонда меҳнат соҳасида 40 дан ортиқ норматив ҳужжат қабул қилинди, 22 та халқаро конвенция ратификацияланди.

Ижтимоий адолат тамойилларини илгари суриш бўйича, шу жумладан, "Ижтимоий адолат глобал коалицияси" доирасида кўша чора-тадбирларни амалга ошириш муҳимлиги қайд этилди.

Учрашув якунида 2026–2030 йилларга мўлжалланган янги Мамлакат дастурини ишлаб чиқиш ва қабул қилишга келишиб олинди.

president.uz

Ўзбекистон Президенти Хитой билан парламентларо алоқалар жадал ривожланиб бораётганини алоҳида мамнуният билан қайд этди

Ўзбекистон Республикаси Президенти Шавкат Мирзиёев 8 июль куни Бутунхитой халқ вакиллари кенгаши Доимий кўмитаси Раиси Чжао Лэци бошчилигидаги делегацияни қабул қилди.

Хитой парламенти раҳбари Ўзбекистон етакчисига Хитой Халқ Республикаси Раиси Си Цзиньпиннинг салом ва энг эзгу тилаklarини етказди.

Учрашувда сўнгги йилларда Ўзбекистон билан Хитой ўртасидаги дўстлик ва барча шароитларда ҳар томонлама стратегик шериклик муносабатларида юксак даражага эришилгани катта мамнуният билан қайд этилди.

Ўзбекистон Президентининг жорий йил январь ойида Хитойга давлат ташрифи чоғида эришилган келишувлар изчил амалга оширилмоқда.

Остона шаҳридаги ШХТ саммити доирасида ўтган олий даражадаги самарали музокаралар натижалари мамлакатларимиз ўртасидаги кўп қиррали ҳамкорликни кенгайтиришга янги суръат бағишлашига ишонч билдирилди.

Хитой Ўзбекистондаги ижтимоий-иқтисодий ишловларни, айниқса, камбағалликни қисқартириш дастурини, шунингдек, инфратузилмани ривожлантириш, саноат кооперацияси, қишлоқ хўжалиги ва "яшил" энергетика соҳаларида стратегик ҳамкорлик дастурларини қабул қилиш режаларини қатъий қўллаб-қувватлаётгани тасдиқланди.

"Хитой - Қирғизистон - Ўзбекистон" темир йўлини куриш бўйича амалий ишларни тез фурсатда бошлаш муҳимлиги қайд этилди.

Жадал ҳудудларо алоқаларга юқори баҳо берилди. Келгуси йилда иккинчи Худудлар форуми ўтказилади.

Ўзбекистонда Хитой олий ўқув юрларининг филиалларини очиш, профессионал таълим соҳасидаги ҳамкорликни кенгайтириш, Конфуций институти фаолиятини қўллаб-қувватлаш масалалари кўриб чиқилди. Келгуси йилда иккинчи Таълим форумини ўтказиш режалаштирилган.



Маданият ва туризм соҳаларидаги алмашинув юзасидан фикр алмашилди.

Парламентларо ҳамкорликни янада кенгайтириш, парламент аъзолари ўртасидаги алоқаларни фаоллаштириш ва амалга оширилаётган ишловларни қўллаб-қувватлаш бўйича қонун ижодкорлиги тажрибасини ўрганиш зарурлиги алоҳида таъкидланди.

Икки мамлакат парламенти ўртасидаги ҳамкорликни чуқурлаштиришга қаратилган тадбирларни амалга ошириш бўйича "йўл харитаси"ни қабул қилиш назарда тутилгани қайд этилди.

president.uz

ҲОКИМ ВА КЕНГАШ РАИСИ ВАКОЛАТЛАРИ АЖРАТИЛМОҚДА

ҲОКИМ НОМЗОДИ КЎРИБ ЧИҚИЛАЁТГАНДА У ХУДУДНИ РИВОЖЛАНТИРИШ ДАСТУРИНИ ХАЛҚ ДЕПУТАТЛАРИ КЕНГАШИГА ТАҚДИМ ЭТИШИ ТАРТИБИ БЕЛГИЛАНМОҚДА.

ОЛИЙ МАЖЛИС ҚОНУНЧИЛИК ПАЛАТАСИНING КЕЧА БЎЛИБ ЎТГАН ЯЛПИ МАЖЛИСИДА "Янги тахрирдаги Ўзбекистон Республикаси Конституциясида маҳаллий давлат ҳокимиятининг конституциявий асослари такомиллаштирилганлиги муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида"ги қонунни лойиҳаси атрофлича муҳокама этилди.

ЛОЙИҲАГА КЎРА, "МАҲАЛЛИЙ ДАВЛАТ ҲОКИМИЯТИ ТЎҒРИСИДА"ГИ ҲАМДА БОШҚА ҚОНУН ҲУЖЖАТЛАРИГА ҚАТОР ҚЎШИМЧА ВА ЎЗГАРТИРИШЛАР КИРИТИШ НАЗАРДА ТУТИЛМОҚДА. ХУСУСАН, МАҲАЛЛИЙ КЕНГАШЛАРГА ДЕПУТАТЛАР ОРАСИДАН САЙЛАНДИГАН РАИС БОШЧИЛИК ҚИЛИШИ, ЖАМОАТЧИЛИК АСОСИДА ФАОЛИЯТ ЮРИТИШИ ВА У МУДДАТИДАН ОЛДИН ЛАВОЗИМДАН ОЗОД ҚИЛИНИШИ МУМКИНЛИГИ БЕЛГИЛАНМОҚДА.

ЎЗБЕКИСТОН ХДП ФРАКЦИЯСИ АЪЗОЛАРИ ЛОЙИҲАДАГИ АЙРИМ МЕЪЁРЛАР ЮЗАСИДАН ЎЗ ТАКЛИФ ВА МУЛОҲАЗАЛРИНИ БИЛДИРДИ.



Олий Мажлис Қонунчилик палатасининг кеча бўлиб ўтган ялпи мажлисида "Янги тахрирдаги Ўзбекистон Республикаси Конституциясида маҳаллий давлат ҳокимиятининг конституциявий асослари такомиллаштирилганлиги муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида"ги қонунни лойиҳаси атрофлича муҳокама этилди.

чиқаришга ва ҳудудий бошқарувни "аҳоли манфаатларига хизмат қилиш" тамойили асосида йўлга қўйишга имкон бериши ҳамда қонунчиликни янги тахрирдаги Конституцияга мувофиқлаштиришни инobatга олган ҳолда, депутатлар қонун лойиҳасини биринчи ўқишда қўллаб-қувватлади. Улар томонидан билдирилган таклифлар иккинчи ўқишга кўриб

чиқилишига келишиб олинди.

Умумий ўрта таълим ташкилотларида болаларга тиббий хизмат кўрсатиш ҳолати тўғрисидаги парламент сўрови кўриб чиқилди. Гап шундаки, Олий Мажлиси Қонунчилик палатаси депутатлари томонидан мазкур соҳаларда олиб борилаётган ишлар ҳамда уларнинг натижадорлиги устидан таъсирчан парламент назорати ўрнатилиб, соҳаларни тартибга солишга доир қонунлар ва бошқа норматив-ҳуқуқий ҳужжатларнинг ижро этилиш ҳолати назорат-таҳлил тартибда ўрганилиб келинмоқда.

Ўрганишлар якунлари, шунингдек, фуқаролардан келиб тушаётган мурожаатлар таҳлили ечимини кутаётган долзарб масалалар мавжудлигини кўрсатмоқда.

Хусусан, бугунги кунда республикадаги 10165 та умумтаълим мактабининг 1503 тасида тиббиёт хоналари мавжуд эмас, мавжуд тиббиёт хоналари ҳам зарур жиҳозлар билан етарлича таъминланмаган.

Шунингдек, республикадаги умумтаълим мактабларида фаолият кўрсатаётган педиатр шифокорлар сони 6357 нафарни ташкил этиб, улардан 890 нафари (14,0 фоиз) доимий ишлайди, 5467 нафари (86,0 фоизи) бириктирилган, ўрта

тиббиёт ходимлари сони эса 10176 нафар, улардан 7799 нафари (76,6 фоизи) доимий ишлайди, 2377 нафари (23,4 фоизи) бириктирилган.

2023 йилда ўтказилган тиббий кўриklar натижалари таҳлиliga кўра, мактабларда таҳсил олаётган 5 954 321 нафар боладан 5 797 691 нафари (97,4 фоизи) тиббий кўриқдан ўтказилиб, 1 615 695 нафар (27,9 фоиз) болаларда турли касалликлар аниқланган.

Маълумотлардан келиб чиқиб, мактабгача ва мактаб таълими вазири Х.Умаровага парламент сўрови юборилган эди. Фракция аъзолари вазирлик жавобини эшитди ва ўз муносабатини билдирди. Тегишли тартибда қарор қабул қилинди.

Палата мажлисида, шунингдек, Ўзбекистон Халқ демократик партияси фракциясининг таклифи билан Камбағалликни қисқартириш ва бандлик вазири Б. Мусаевнинг "2024 йилда янги иш ўринларини ташкил этиш ва аҳоли бандлигига кўмаклашиш дастурининг ижроси бўйича амалга оширилаётган ишлар тўғрисида"ги ахборотини эшитиш ҳақидаги масала ҳам кўриб чиқилиб, қарор қабул қилинди.

Зилола УБАЙДУЛЛАЕВА,
"Ўзбекистон овози" мухбири.

Фирдавс ШАРИПОВ,
Олий Мажлис Қонунчилик палатасидаги Ўзбекистон ХДП фракцияси аъзоси:

— Қонун лойиҳасида халқ депутатлари Кенгаши раисини муддатидан илгари лавозимидан озод қилиш тўғрисидаги масала кўриб чиқилаётганда Кенгаш доимий комиссия раисларидан бири сессияга раислик қилади, деб ёзилган. Кейинги моддаларда бу меъёрга қарама-қарши жиҳатлар турибди.

18-моддада эса халқ депутатлари Кенгаши сессияларини чақиритиш ва ўтказиш, сессия муҳокамасига масалалар киритиш ва уларни кўриб чиқиш, халқ депутатлари Кенгаши органларини ташкил этиш ва сайлаш, уларнинг фаолиятига доир ҳисоботларни тинглаш, Кенгаш сўровларини, депутатлар сўровларини, қарор лойиҳаларини кўриб чиқиш, овоз бериш, қарорларни эълон қилиш, сессияга таклиф этиладиган шахслар сонини аниқлаш тартиби, шунингдек, депутатларнинг масъулияти ва сессия ишини ташкил этишга доир бошқа масалалар халқ депутатлари Кенгашининг иш тартибига мувофиқ белгиланади, деб ёзилган. Аммо Кенгаш текшируви киритилмаган. Бу ҳам асосий

концептуал масалалардан бири, деб ҳисоблайман.

Шунингдек, халқ депутатлари маҳаллий Кенгашларига янги ваколатлар берилмапти. Мисол учун, ҳар йили Олий Мажлис Инсон ҳуқуқлари бўйича вакили (омбудсманнинг) минтақавий вакилининг инсон ҳуқуқлари, эркинликлари ва қонуний манфаатларини ҳимоя қилишга доир фаолияти тўғрисидаги ахборотини эшитиш назарда тутилмоқда. Лекин Болалар омбудсмани тўғрисидаги қонун қабул қилинди ва уларнинг минтақавий вакиллари бор. Улар ҳам маҳаллий Кенгашларга ахборот бериши керак. Ушбу жиҳат ҳам эътибордан четда қолган. ИИВнинг ҳудудий бошқармалари ҳар чоракда ҳисобот бериши Президент фармонида кўрсатиб ўтилган бўлса-да, қонун лойиҳасида бу муддат ҳар 6 ойда шаклида ўзгартирилган. Умуман олганда, концептуал жиҳатдан яна бир бор кўриб чиқилиши керак бўлган жиҳатлар оз эмас.

Ялпи мажлисда депутатлар яна қатор меъёрлар юзасидан ўз фикрларини билдирди. Таклиф ҳамда муносабатлар муҳокама қилинди. Умуман, қонун лойиҳасидан ўрин олган меъёрлар жойларда ҳокимиятлар бўлинишини тўлақонли рўёбга



ИНСОНЛАРНИНГ ФЕЪЛ-КҒЙИ, РАНГ-РҒЙИ БИР-БИРИНИ ТАҚРОРЛАМАГАНИ КАБИ ТАҚДИРЛАР ҲАМ ТУРФА ХИЛДИР. СУРХОН ВОҲАСИНИНГ ДЕНОВ ТУМАНИ "ТОТУВЛИК" МАҲАЛЛАСИДА ЯШОВЧИ РОҲИЛА ХОЛМИРЗАЕВА ҲАЁТ СЌҚМОҚЛАРИДА КЎП ҚИЙИНЧИЛИКЛАРНИ БОШДАН ЎТКАЗАЁТГАН БЎЛСА-ДА, ЎЗ ТАҚДИРИДАН ҲЕЧ НОЛИМАЙДИ. ЯХШИ КУНЛАРГА УМИД ҚИЛАДИ, ИРОДАСИНИ БУКМАЙДИ, ҒУРУР ВА МАТОНАТНИ БАЛАНД ТУТАДИ.



ли оғирлашиб, тўшакка миҳланиб қолди. Рўзгор тебратиш, дори-дармон, ижара ҳақи, коммунал тўлов ва бошқа сарф-харажатлар ўзимга қолди. Тонг сахардан шом қоронғусигача ишлайдиган бўлидим.

Кексаларимиз айтганидек, аслида турмуш – мушт экан. Амал-тақал қилиб кун кечириётган вақтимизда, яъни 2022 йилнинг октябрида фарзандларимнинг отаси оламдан кўз юмди. Бир ташвишим ўнта бўлди. Изтиробларим орти. Тўғриси, йўлимни йўқотиб қўйгандим ўшанда. Нима қилиш ва қандай йўл тутишни билмасдим. Яхшики, ака-ука ва опа-сингилларим ёрдам қўлини чўзди. Олижаноб одамларнинг қўллаб-қувватлагани мени яшашга ундади...

Энди гапни Роҳиланинг отаси Раҳматулло Эшқоқилловдан эшитайлик.

– Ота-она учун фарзандларининг бахту камоли ҳамма нарсадан муҳим, – дейди Р. Эшқоқиллов. – Онаси билан бешта болани воёга етказдик. Уларнинг учтаси ўғли-жойли. Тақдир экан, Роҳиланинг турмуши ўхшамасди. Ойда уч-тўрт марта набираларимни кўргани келаман. Ота сифатида қизимга таянч ва суянч бўлиб, уйимизга кўчириб кетмоқчи эдик. Аммо ўзимиз ҳам ёрдамга муҳтож бўлиб турибмиз.

Туман марказидан 35 километр олисда жойлашган "Дашти-чинор" маҳалласида яшаймиз, денг. Ижтимоий аҳолимиз оғир. Тўрт хонали уйда тўрт хўжалик яшаймиз. Шунча қийинчилик камлик қилгандек, 28 июнь кунни қишлоғимизга сел келди. Ер-тўла, ошхона ва молхоналаргача лойқа сув босди. Чор тарафини бехисоб тош ва улкан ҳарсанг

Изтироб ичидаги АЁЛ

қоплаган. Икки ҳафтадан буён на масъуллардан дарак бор, на техника юборишади.

Айтгандай, Роҳила фарзандлари билан айна пайтда "Тотувлик"да фуқаро Сирожиддин Қобиллова тегишли уйда вақтинча яшаб турибди.

– Мана шу уйга ўтган йилнинг қиш ойларида кўчиб ўтгандик, – дейди бизга юзланиб Роҳила. – Уй эгаси қалби пок, саховатли инсон экан, ижара ҳақи ҳам олгани йўқ. Мана шундай бағрикенг одамлар кўпайсин, дейман.

Роҳиланинг ўтган оғир йиллар бадалиди маҳалла фуқаролар йиғини ёки туман ҳокимлигидан ёрдам сўраган-сўрамагани билан қизиқамиз.

– Каминг бўлса-да, гаминг бўлмасин, дейдилар. Эҳ-хе, мурожаат қилишдан армон қолмаган. Ўн мартага яқин "Тотувлик" маҳалласи ва туман ҳокимлиги масъулларига учрашгандирман-ов... Уларнинг отанга бор, онанга бор, қабилида иш тутишдан аллақачон хадфсалам пир бўлган.

якши биламан. Минг машаққат чекмай, у ерда яшаб бўлмастгани ўзингиз тушуниб турибсиз. Иккинчидан, сарсон-саргардонлик ва тўловлар-чи... Бундан кўра иш топиш ва уй-жой масаласида кўмаклашларингиз дегандим...

– Бир ҳафта ичида бандлигингиз таъминланди, – дея ваъда берди ҳоким ўринбосари Н. Лутфиллаева. – Бугун-эрта сизга 1 миллион 300 минг сўм моддий ёрдам ажратилади. Тегишли мезон ва талаблардан келиб чиққан ҳолда уй-жой билан таъминлаш чора-тадбирлари белгиланади.

Масъулнинг қулоққа ёқар ваъдалари ҳаётий тасдиғини топадими ёхуд қуруқ гаплича қолади-ми, бу энди бироғина вақт ҳукмига ҳавола. Аммо айна шу онларда ёнимиздаги муштипар аёл неча йиллик изтиробларни биров унутгандек кўринди. Кўзларида умид балқиди.

Ишқилиб, ҳаёт қийинчиликларига қарши мардондор турган синглизининг муаммоси қандай яқун топганини билиш учун "Тотувлик"ка яна келганимизда, бу кўзларда миннатдорликни, розиликни кўрайлик, деб ортга қайтдик.

Абдумалик ҲАЙДАРОВ,
"Ўзбекистон овози" муҳбири.



REKLAMA O'RNIDA



"БИЗНЕСНИ РИВОЖЛАНТИРИШ БАНКИ":

250 ДАН ОРТИҚ ТАШАББУСЛАР ИШЛАБ ЧИҚИЛГАН

Ахборот ва оммавий коммуникациялар агентлигида "Бизнесни ривожлантириш банки" АТБнинг 2024-2026 йилларга мўлжалланган стратегияси: ташаббуслар ва кутилмалар мавзусида матбуот анжумани бўлиб ўтди. Унда банк бошқаруви раҳбарияти, таркибий тузилмаларнинг масъул ходимлари иштирок этди.

Матбуот анжуманида Президентимизнинг 2020 йил 12 майдаги "2020-2025 йилларга мўлжалланган Ўзбекистон Республикасининг банк тизimini ислох қилиш стратегияси тўғрисида"ги Фармони ижроси доирасида тизимли ишлар амалга ошириляётгани таъкидланди. Мазкур стратегиянинг банклар фаолиятидаги аҳамияти, бу борада илгари су-

рилаётган ташаббуслар ва истиқболдаги кутилмалар ҳақида ахборот берилди.

– Банкимиз тизимида айна ҳужжатга мувофиқ равишда трансформация жараёнлари фаол кечмоқда, – дейди "Бизнесни ривожлантириш банки" АТБ Стратегия бош директори Бахтиёржон Раҳматов. – Шу билан бирга KPMG халқаро компанияси билан ҳамкор-



ликда банкнинг 2024-2026 йилларга мўлжалланган ривожлантириш стратегияси ишлаб чиқилди. Унга кўра, 2026 йилгача банк активлари 2,3 баробарга оширилиб, бугунги 27 триллион сўмдан 62 триллион сўмга, капитал бўйича 3,2 триллион сўмдан 7,1 триллион сўмга етказилиши кўзда тутилоқда.

Мижозларга энг қулай ҳамда фойдали шартларда маҳсулотларнинг тақдим этилиши натижасида банкнинг кредит портфели 2,1 баробарга, депозитлар ҳажми 2,3 баробарга оширилади.

Кичик бизнес вакиллари бўлган миջозлар сонини 115 мингтагача ошириб, бозорнинг 17,7 фоизини ҳамда чакана бизнес миջозлари сонини 2,5 млн тагача ошириб, бозорнинг 16,7 фоизини эгаллаш белгилаб олинган.

Мижозларнинг 75 фоизини онлайнга ўтказиб, уларни фаол мобиль илова ва интернет-банкнинг фойдаланувчиларига айлантириш режалаштирилган.

Анжуманда банкни 2024-2026 йилларга мўлжалланган ривожлантириш стратегиясида кўзда тутилган мақсадларга

эришиш учун 250 дан ортиқ ташаббуслар ишлаб чиқилгани маълум қилинди. Бунда 27 та ташаббус ахборот технологияларини, 48 таси инсон капиталини ҳамда 83 таси бизнесни ривожлантиришга қаратилган. 39 та ташаббус кичик бизнес йўналишида, 44 таси эса чакана бизнес йўналишида амалга оширилади.

Матбуот анжуманида қайд этилишича, стратегияни ишлаб чиқишда банк учун бизнес йўналишида хизматларнинг соддалиги, оммабоплиги ва тезкорлиги муҳим мезон этиб белгиланди.

"Бизнесни ривожлантириш банки" АТБ келгусида янги иш ўринлари яратиш, аҳоли даромадларини ошириш ва экспортни таъминлашга қаратилган бизнес лойиҳаларни молиялаштиришда фаол иштирок этади. Шунингдек, замонавий банк хизматларини тақдим қилиш орқали молия бозоридagi мавқеини мустақамлашга интилади.

Тоштемир ХУДОЙҚУЛОВ,
"Ўзбекистон овози" муҳбири.

MUASSIS:



O'ZBEKISTON XALQ DEMOKRATIK PARTIYASI MARKAZIY KENGASHI

O'zbekiston Ovozi

TAHRIR HAY'ATI:

- Ulug'bek INOVATOV
- Ulug'bek VAFYOYEV
- Maqsuda VORISOVA
- Qalandar ABDURAHMONOV
- Guliston ANNAQLICHEVA
- Muslihiddin MUHIDDINOV
- Hayotxon ORTIQBOYEVA
- Toshtemir XUDOYQULOVOV

Bosh muharrir: To'liqin TO'RAXONOV

MANZILIMIZ: 100029, Toshkent, Mустақиллик майдони 5/3

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonа manzili: Buyuk Turon ko'chasi, 41-uy. Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 737. 3328 nusxada bosildi. O'za yakuni —
Nashr ko'rsatkichi — 220. Topshirilgan vaqti —
t — Tijorat materiallari 1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.